



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ՄՐՑԱԿՑՈՒԹՅԱՆ ԴԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ**  
**ԳԼԽԱՎՈՐ ՔԱՐՏՈՒՂԱՐ**

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ [info@competition.am](mailto:info@competition.am), վեբ կայք՝ <http://www.competition.am>

« 09 » 11 2022 թ.

No 007122

**«ՏՈՒՄՈՒՆ» ՍԱՀՄԱՆԱՓԱԿ**  
**ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ**  
**ՊԱՐՈՆ ԶԱՆԻԲԵԿ ԹՈՎՄԱՍՅԱՆԻՆ**  
(հասցե՝ ք. Երևան, Մալաթիա-Սեբաստիա, Անդրանիկի, 4, 8)

Հարգելի՛ պարոն Թովմասյան,

Կից ուղարկվում է Մրցակցության պաշտպանության հանձնաժողովի (այսուհետ՝ **Հանձնաժողով**) 2022 թվականի նոյեմբերի 8-ի ««Տումուն» սահմանափակ պատասխանատվությամբ ընկերության վերաբերյալ թիվ ՀԳ-00061/22 վարույթը կարճելու մասին» թիվ 424-Ա որոշման պատճենը:

Միաժամանակ տեղեկացնում ենք, որ Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ՝ Համակարգ) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի ([www.competition.am](http://www.competition.am)) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Առդիր՝ «5» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Կադարող՝ Թերեզա Հակոբյան

Անբարեխիղճ մրցակցության վերահսկողության վարչություն

Հեռ. (+374 60) 830-840 (252)



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ**

**Ո Ր Ո Շ ՈՒ Մ**

8 նոյեմբերի 2022 թվականի թիվ 424-Ա

**«ՏՈՒՄՈՒՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ  
ՎԵՐԱԲԵՐՅԱԼ ԹԻՎ ՀԳ-00061/22 ՎԱՐՈՒՅԹԸ ԿԱՐՃԵԼՈՒ ՄԱՍԻՆ**

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2022 թվականի նոյեմբերի 8-ի նիստում, քննարկելով «Տումոն» սահմանափակ պատասխանատվությամբ ընկերության (այսուհետ նաև՝ **Ընկերություն**) վերաբերյալ թիվ ՀԳ-00061/22 վարույթը կարճելու մասին հարցը,

**Պ Ա Ր Զ Ե Ց**

**1. Վարույթի ընթացքի հակիրճ նկարագրությունը.**

Հանձնաժողովը 2022 թվականի մարտի 1-ի ««Տումոն» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 80-Ա որոշմամբ (այսուհետ նաև՝ **թիվ 80-Ա որոշում**) հարուցել է թիվ ՀԳ-00061/22 վարույթը (այսուհետ նաև՝ **Վարույթ**):

Հանձնաժողովի գլխավոր քարտուղարի 2022 թվականի թիվ ԱՎ-477 գրությամբ Ընկերությունը ծանուցվել է Վարույթի մասին, սակայն ծանուցումը Ընկերությունը չի ստացել և 2022 թվականի մարտի 11-ի նշված ծանուցումը հրապարակվել է «www.azdarar.am» կայքում:

Ընկերությունը Վարույթում քննարկվող փաստական հանգամանքների վերաբերյալ դիրքորոշում չի ներկայացրել:

Հանձնաժողովի անբարեխիղճ մրցակցության վերահսկողության վարչությունը 2022 թվականի մայիսի 13-ի թիվ ՄՊՀ-001397 զեկուցագրով (այսուհետ նաև՝ **Զեկուցագիր**) առաջարկել է Ընկերության, «Տումոն» և «Ֆուդսիթի» ընկերությունների կողմից տնտեսական մրցակցության բնագավառում հնարավոր իրավախախտումների հատկանիշների առկայությունը պարզելու նպատակով հարուցել վարույթ, իսկ Վարույթը



կասեցնել՝ հայտնելով, որ առկա են Աշխատանքի և սոցիալական հարցերի նախարարության (այսուհետ նաև՝ **Նախարարություն**) կողմից 2021 թվականի նոյեմբերի 11-ից 15-ը կազմակերպված Նախարարության ենթակայությանը հանձնված պետական ոչ առևտրային կազմակերպությունների 2022 թվականի կարիքների համար սննդամթերքի կենտրոնացված կարգով ձեռքբերման՝ «ԱՍՀՆ-ՊՈԱԿ-ԷԱՃԱՊՁԲ-22/3-ԵԽ», «ԱՍՀՆ-ՊՈԱԿ-ԷԱՃԱՊՁԲ-22/3-ԵԽ-1», «ԱՍՀՆ-ՊՈԱԿ-ԷԱՃԱՊՁԲ-22/3-Վ», «ԱՍՀՆ-ՊՈԱԿ-ԷԱՃԱՊՁԲ-22/3-Գ» և «ԱՍՀՆ-ՊՈԱԿ-ԷԱՃԱՊՁԲ-22/3-ԳԵՏ» ծածկագրերով էլեկտրոնային աճուրդ գնման ընթացակարգերի (այսուհետ միասին նաև՝ **Գնման ընթացակարգեր**) շրջանակներում Ընկերության, «Տումոն» և «Ֆուդսիթի» ընկերությունների կողմից հնարավոր հակամրցակցային պայմանավորվածություն ձեռք բերված լինելու մասին վկայող հանգամանքներ:

Հանձնաժողովը 2022 թվականի հունիսի 14-ին ««Դանինի» հայաստանյան մասնաճյուղ առանձնացված ստորաբաժանման, «Տումոն», «Ֆուդսիթի», «Զուգեպպե» և «Խաչմիք» սահմանափակ պատասխանատվությամբ ընկերությունների կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 218-Ա որոշմամբ հարուցել է թիվ ՀԳ-00753/22 վարույթը (այսուհետ նաև՝ **թիվ ՀԳ-00753/22 վարույթ**)՝ առերևույթ հակամրցակցային համաձայնության հատկանիշների առկայության հիմքով:

Հանձնաժողովը 2022 թվականի հունիսի 21-ին «Թիվ ՀԳ-00051/22 վարույթը կասեցնելու մասին» թիվ 226-Ա որոշմամբ կասեցրել է թիվ ՀԳ-00061/22 վարույթը մինչև թիվ ՀԳ-00753/22 վարույթով վարչական ակտի կայացումը:

Հանձնաժողովը 2022 թվականի հոկտեմբերի 25-ի ««Դանինի» հայաստանյան մասնաճյուղ առանձնացված ստորաբաժանում, «Տումոն», «Ֆուդսիթի», «Զուգեպպե» և «Խաչմիք» սահմանափակ պատասխանատվությամբ ընկերությունների (այսուհետ նաև՝ **Ընկերություններ**) նկատմամբ պատասխանատվության միջոց կիրառելու մասին» թիվ 407-Ա որոշմամբ (այսուհետ նաև՝ **թիվ 407-Ա որոշում**) թիվ ՀԳ-00753/22 վարույթը եզրափակվել է գնման, այդ թվում՝ Գնման ընթացակարգերի առնչությամբ Ընկերությունների վարքագիծը հորիզոնական հակամրցակցային համաձայնություն որակելու հիմքով:

Հանձնաժողովը 2022 թվականի նոյեմբերի 1-ին «Տումոն» սահմանափակ պատասխանատվությամբ ընկերության վերաբերյալ թիվ ՀԳ-00061/22 վարույթը վերսկսելու մասին» թիվ 416-Ա որոշմամբ վերսկսել է թիվ ՀԳ-00061/22 վարույթը:

## **2. Վարույթի հարուցման առիթի և հիմքի հակիրճ նկարագրությունը.**

Նախարարությունը 2022 թվականի հունվարի 13-ին Հանձնաժողով է ներկայացրել գրություն՝ հայտնելով, որ 2021 թվականի նոյեմբերի 11-ից 15-ը Նախարարության կողմից հայտարարվել են Գնման ընթացակարգեր: Աճուրդների ամփոփման և տվյալների ստուգման արդյունքում պարզվել է, որ Գնման ընթացակարգերի չափաբաժիններից գերակշռող մասում առաջին տեղ զբաղեցրած մասնակից է հանդիսացել «Տումոն» սահմանափակ պատասխանատվությամբ ընկերությունը, որը 2021 թվականի նոյեմբերի 4-ից ընդգրկված է գնումների

գործընթացին մասնակցելու իրավունք չունեցող մասնակիցների ցանկում (այսուհետ նաև՝ **Ցուցակ**):

Հանձնաժողովը Վարույթը հարուցել է Ընկերության վարքագծում անբարեխիղճ մրցակցության հատկանիշների առերևույթ առկայության հիմքով:

### **3. Ընկերության դիրքորոշումը.**

Ընկերությունը Վարույթի փաստական հանգամանքների վերաբերյալ դիրքորոշում չի ներկայացրել:

### **4. Հանձնաժողովի կողմից պահանջված և ստացված փաստաթղթերը և այլ տեղեկատվությունը.**

1. Հանձնաժողովի գլխավոր քարտուղարի 2022 թվականի փետրվարի 16-ի թիվ ԱՎ-307 գրությամբ (այսուհետ նաև՝ **թիվ ԱՎ-307 գրություն**) Հանձնաժողովը դիմել է Ֆինանսների նախարարությանը՝ խնդրելով տրամադրել տեղեկատվություն.

1) Ընկերության կողմից 2021 թվականի նոյեմբերի 4-ին և 23-ին, 2021 թվականի դեկտեմբերի 29-ին և 2022 թվականին հունվարի 22-ին և փետրվարի 1-ին Ցուցակում ներառված լինելու մասին Ընկերության կողմից ծանուցված լինելու վերաբերյալ,

2) Ցուցակում ներառվելուց հետո Ընկերության կողմից գնման հայտ ներկայացնելու դեպքերի վերաբերյալ,

3) 2020 թվականի հունվարի 1-ից մինչև 2021 թվականի նոյեմբերի 4-ը Ընկերության կողմից գնման հայտ ներկայացնելու դեպքերի վերաբերյալ,

4) Ընկերության կողմից 2020 և 2021 թվականներին Գնման ընթացակարգերի արդյունքում ստացված հասույթի չափերի, իսկ անհնարինության դեպքում կնքված պայմանագրերի վերաբերյալ:

Ֆինանսների նախարարությունը, ի պատասխան թիվ ԱՎ-307 գրության, 2022 թվականի փետրվարի 23-ին Հանձնաժողով է ներկայացրել-գրություն՝ հայտնելով, որ մրցույթով, գնանշման հարցման և հրատապության հիմքով պայմանավորված մեկ անձից գնման ձևով կազմակերպված ընթացակարգերի դեպքում մասնակիցների, ինչպես նաև վերջիններիս կողմից հայտով ներկայացրած փաստաթղթերի վերաբերյալ տեղեկատվությունը Հանձնաժողովը կարող է ստանալ «armeps.am» հասցեով գործող կայքի «Հայտեր» բաժնից, էլեկտրոնային աճուրդով կազմակերպվող ընթացակարգերի դեպքում՝ «eauction.armeps.am» հասցեով գործող կայքից, իսկ կնքված պայմանագրերը հասանելի են «www.armeps.am/ppcm» հասցեով գործող կայքի «Պայմանագրեր» բաժնում:

Միաժամանակ հայտնել է, որ մասնակցի՝ Ցուցակում ներառված լինելու դեպքում մասնակցության իրավունք չունենալու մասին տեղեկատվությունը «Գնումների մասին» օրենքի 28-րդ հոդվածի համաձայն՝ պարտադիր նախատեսվում է հրավերում, իսկ ցուցակը համաձայն նույն օրենքի 6-րդ հոդվածի՝ հրապարակվում է «procurement.am» հասցեով գործող գնումների պաշտոնական տեղեկագրում: Ավելին, նույն հոդվածի համաձայն՝ բողոք քննող անձը մասնակցին՝ նշված ցուցակում ներառելու որոշումը կայացնում է տվյալ մասնակցի կարծիքը լսելուց հետո:



2. Հանձնաժողովի նախագահի 2022 թվականի փետրվարի 14-ի թիվ ԳԳ-295 գրությամբ (այսուհետ նաև՝ **թիվ ԳԳ-295 գրություն**) Հանձնաժողովը դիմել է ՊԵԿ՝ խնդրելով տրամադրել Ընկերության 2020 և 2021 թվականների տարեկան հասույթի չափերի վերաբերյալ տեղեկատվություն՝ ըստ տարիների:

Ի պատասխան թիվ ԳԳ-295 գրության՝ ՊԵԿ-ը 2022 թվականի փետրվարի 17-ին տրամադրել է պահանջված տեղեկատվությունը:

**5. Գործի բազմակողմանի, լրիվ և օբյեկտիվ քննարկման արդյունքում Հանձնաժողովը հաստատված է համարում հետևյալ փաստական հանգամանքները.**

1. Վարույթը հարուցվել է Գնման ընթացակարգերի առնչությամբ Ընկերության վարքագծում անբարեխիղճ մրցակցության հատկանիշների առերևույթ առկայության հիմքով:

2. Թիվ 407-Ա որոշմամբ գնման, այդ թվում՝ Գնման ընթացակարգերի առնչությամբ Ընկերությունների վարքագիծը որակվել է որպես հորիզոնական հակամրցակցային համաձայնություն:

**6. Վարույթի փաստական հանգամանքների և վերաբերելի իրավական նորմերի ուսումնասիրության և վերլուծության արդյունքում Հանձնաժողովը եզրահանգում է հետևյալին.**

«Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) 89-րդ հոդվածի 1-ին մասի 2-րդ կետի համաձայն՝ տնտեսական մրցակցության բնագավառում իրավախախտման վերաբերյալ վարույթը ենթակա է կարճման, եթե առկա է վարույթի հարուցումը մերժելու որևէ հիմք:

Օրենքի 80-րդ հոդվածի 1-ին մասի 2-րդ կետի համաձայն՝ տնտեսական մրցակցության բնագավառում իրավախախտման վերաբերյալ վարույթի հարուցումը ենթակա է մերժման, եթե առկա է նույն արարքի համար նույն անձի նկատմամբ պատասխանատվության միջոց կիրառելու կամ պատասխանատվության միջոցի կիրառումից ազատելու մասին Հանձնաժողովի որոշում:

Սույն գործով Վարույթը հարուցվել է Գնման ընթացակարգերի առնչությամբ Ընկերության վարքագծում անբարեխիղճ մրցակցության հատկանիշների առերևույթ առկայության հիմքով, իսկ Թիվ 407-Ա որոշմամբ գնման, այդ թվում՝ Գնման ընթացակարգերի առնչությամբ Ընկերությունների վարքագիծը որակվել է որպես հորիզոնական հակամրցակցային համաձայնություն:

Հետևաբար, Գնման ընթացակարգերի առնչությամբ Ընկերության վարքագծում բացակայում են անբարեխիղճ մրցակցության հատկանիշները, որպիսի պայմաններում Հանձնաժողովը գտնում է, որ Վարույթը ենթակա է կարճման:

**7. Եզրափակիչ մաս.**


Հիմք ընդունելով վերոգրյալը և ղեկավարվելով Օրենքի 90-րդ հոդվածի 1-ին մասի 3-րդ կետով, 67-րդ հոդվածի 2-րդ մասով և «Վարչարարության հիմունքների և վարչական վարույթի մասին» օրենքի 70-րդ և 71-րդ հոդվածներով, Հայաստանի Հանրապետության վարչական դատավարության օրենսգրքի 72-րդ հոդվածի 1-ին մասի 1-ին կետով՝ Հանձնաժողովը

## Ո Ր Ո Շ Ե Ց

1. Կարճել «Տումոե» սահմանափակ պատասխանատվությամբ ընկերության վերաբերյալ թիվ ՀԳ-00061/22 վարույթը:
2. Սույն որոշումն ուժի մեջ է մտնում դրա պատճենը «Տումոե» սահմանափակ պատասխանատվությամբ ընկերությանը հանձնելուն հաջորդող օրվանից:
3. Սույն որոշումը կարող է բողոքարկվել վարչական կամ դատական կարգով՝ ուժի մեջ մտնելու պահից երկամսյա ժամկետում:

ՆԱԽԱԳԱՀ

2022 թ. նոյեմբերի 8  
Երևան

  Գ. ԳԵՎՈՐԳՅԱՆ